

瑞安縣誌(民國)一

ISBN 988-978-316-9



二〇〇六年三月

中國海疆舊方志

選題組織策劃：蝠池書院出版有限公司

發行者：蝠池書院出版有限公司

出版者：蝠池書院出版有限公司

香港九龍旺角花園街二十六號好景商業中心二十三樓二三〇九室

電話：〇〇八五二一六五五九二三七〇

傳真：〇〇八五二一三三八八七九〇〇

定價：人民幣 九五〇〇〇元（全書共三百一冊）

中華民國六年

瑞安縣志

務本
印

夏曆丁巳十有
二月仿嘉慶戊
辰本寫成上石

重修瑞安縣志序

瑞安志十卷自乾隆己巳重刊逮今垂六十稔多殘缺不可考邑令張君恐志之漸就湮也屬司訓黃君修輯之而請予序之簡端予惟修志之難有三上無倡則不能修下無應則不能修有倡與應而莫勝其任

則不能修況瑞地瀕海溼計昔之令
是邑者凡我革簿書倥偬紛其志
奔走期會勞其形問以興一利除一
弊或未之逮邑乘之修抑迂濶矣
乃自張君之來也濬河道設陡門興
校士館新節孝祠諸廢具舉而
又毅然以修志自任使遠者數百年

近者數十年因革損益忠孝節廉
瞭如指掌可謂知要也已抑又思瑞玄
郡不百里其山川文物秀甲他邑六君
子之流風餘韻故有存者而人材蔚
起今昔殊尚豈俗為之歟抑人為之
歟文章者道德之表著也已往者
後來之借鏡也誠覽是志而奮然

興感將士習醇而民風厚其秀彥者
勵廉隅其野處者知禮讓其鄉隣
之相往來者莫不以孝友睦婣為勸
勉絃歌載塗桑麻被徑奸宄不生訟
獄寢息相與舞詠

聖朝



太平之盛以垂之無窮則邑志之修
也豈細故哉予備兵斯土願拭目

以俟之

嘉慶十有三年歲次戊辰孟冬月

賜進士出身分巡浙江溫處兵備道前刑科給事

中歷掌河南廣西道監察御史右中允右
贊善翰林院編修海康陳昌齊撰



重修瑞安縣志序

周禮外史掌四方之志誦訓掌道方志志
者記也所以記一方之風土人物而備采
擇也唐宋以來如元和郡國志太平寰宇
記尚已邑乘則宋高似孫志剡縣施宿志
會稽明康海志武功崔銑志安陽韓邦靖
志朝邑其最著者瑞安古羅陽縣舊志經

兵火災重修于

國朝康熙丁卯續修於乾隆己巳距今又
六十稔矣因陋就簡頗有所殘缺邑令張
君銳志釐定與廣文黃君及邑紳士商榷
而校讎之書成請序于予予惟甌郡據浙
東上遊瑞邑隸郡南三面皆大海巨浸又
有鳳凰仙巖桐溪嵒水西峴白門諸山峻

增秀峙以故英靈清淑之氣振華鬱采蔚
起人文凡蓄道德而能文章如恭叔水心
數君子嘉言懿行彰彰簡冊已歷久不可
磨滅若戶口有登下物產有盈虛兵防有
沿革賦役有損益人材有興替風俗有厚
薄藉非因時修葺何由使後之人徵文考
獻矧夫孝友節義潛德幽光其湮沒失傳

者更可勝道哉抑又思志所記載非若禁
扁之第著臺殿池館洞霄圖志之第著宮
觀山水南方草木狀之第著卉木果竹也
將必鏡往哲考政典觀戶口之登下則知
所以休養而生息觀物產之盈虛則知所
以黜華而崇儉觀兵防之沿革則知所以
戢暴而安良觀賦役之損益則知所以勞

民而勸相觀人材之興替則知所以教學
而明倫觀風俗之厚薄與夫孝友節義之
顯晦則知所以型仁而講讓激濁而揚清
上承

聖天子德教之隆下備太師輔軒之採斟
今酌古卓然與昔志並稱詎非宰斯邑者
之無廢事而尤守斯土者之所厚望與是

為序

嘉慶十有三年歲次戊辰孟冬月知浙江
温州府事長白廷銘曙墀氏撰

